



梁溪先生文集卷之第十九

詩十五

在湖外作計三十六首

五哀詩

并序

黃陵廟

望九疑

望洞庭十首

促織

秋風二首次子美韻

次韻艾宣畫四首

西風行

畫艸蟲八物

讀二疏傳

著迂論有感

建炎行

五哀詩

并序



湖湘間多古騷人逐客才士之所居故其景物淒涼氣俗感慨有古之遺風予來武昌慨然懷古作此五詩以哀之

楚三閭大夫屈原

楚懷聽秦誑身作咸陽鬼當作屈原爭坐因椒蘭毀  
襄王復不悟遠作江南徙行吟沅湘間形槁顏色悴  
著書稱離騷風雅齊厥理鷓鴣况小人鸞鳳喻君子  
眷、不忘君一篇三致意紉蘭採杜若冠佩空自偉  
舉世混濁中誰與同樂此忠臣會遇難千古共一軌

人情踈黷亮物態便軟羨存亡反復間悔及良晚矣  
嗟、屈子心芳潔疇與比日月可爭光塵垢安能澤  
聊從太史卜貴逐漁父醉甘葬魚腹中懷沙汨羅水  
千秋身後名芬馥同菹芷夫豈椒蘭徒據勢長不死

漢梁王太傅賈誼

賈生公輔器弱冠遊漢庭高論帝王畧妙極理亂情  
意出對詔令驚倒諸老生從容晝疇策籍、飛英聲  
是時漢初定頗雜秦霸稱力還治古制物、與正名  
改號易服色庶几禮樂興儀章悉草具輿議當公卿



豈知絳灌徒諸毀如建 天子疎不用謫去長沙城  
翩然渡湘水投書弔屈平棄鼎寶康瓠鉏刀鈍青萍  
微言豈悼屈脚復以自評長沙地卑濕安得壽且寧  
及觀鵬鳥賦頗覺生死輕晚奉宣室對夜半前席聽  
文帝豈易遇所言略施行雖不位卿相儒者良已榮  
梁王墜馬死泣涕亦傷生受任乃如此孤忠本精誠  
柰何君臣義澆薄返不明緬懷古人心使我氣相膺

漢處士禰衡

禰生抱逸韻乃是右之狂負才頗傲物齒少氣方剛

懷刺遊許下漫滅竟摧藏肯從屠沽兒借面與弔喪  
偉哉孔文舉國寶棄路傍上書薦一鶚欲使觀翱翔  
振翼雷漢間永垂虹蜺光飛兔與腰裏滅沒不可望  
觀其慰薦亂器識豈易量平生輕魏祖縱口成否臧  
召令為鼓史閱試當改装蹀躞初散步慘過作漁陽  
聲節既悲壯容態隨低昂岑牟與單絞裸袒易故裳  
却來坐軍門畫地聲琅琅曹瞞黠如鬼嗜殺猶虎狼  
縮手不敢動送與 及黃娛賓賦鸚鵡節奏陵笙簧  
援筆不加點粲然已成章高才竟為累蘭麝空餘香



至今鸚鵡洲葭葦秋蒼々醜我殺名士千古不可忘

唐中書舍人尚書右僕射褚遂良

正觀萃群英實為太平基褚公初侍書遂以體亮知  
諫疏屢獻納對揚禍論思翩如丹山鳳來為蕭韶儀  
飛鳥自依人此言已堪蝨更云譖劉洎厥理尤足疑  
賢者雖已矣可以此心推薰猶難共器鳥鸞不同棲  
故令許敬宗輩汗染成瑕疵我觀永徽間武氏盜政机  
禍端如床筵幾使國祚移當時河南公力爭伏丹墀  
頓首願還笏丐身田里歸義氣動人主回天初庶幾

鄙哉英公勛一言遂成非坐令牝雞晨啄喪靡有遺  
元勳顧命老遠竄湘江湄茫然不復召詎意抱時  
卑濕所不堪須髮盡成絲至今潭府帖志士生長悲

唐工部員外郎杜甫

子美以詩名古今無對手當時謫仙人長句頗先後  
精深律切處故自非其偶而况郊島徒何敢窺戶牖  
有如登岱宗衆山皆塔樓又如觀武庫劍戟靡不有  
高辭媿邱墳古意篆蚪蚪蒼々雪中松濯々風前柳  
雲烟紛舒卷雷電畫奔走澹然衆態俱沾丐隨所取



平生忠義心多向詩中剖憂國與愛君誦說不離口  
飢寒窘衣食容貌村野叟自以稷契期此理人信否  
中興作諫臣戎馬方踐蹂上疏救房琯亦足知素守  
一跌不復振造物意豈苟欲使窮吟哦專志如矇瞍  
辛苦盜賊中妻子或顛仆布衾冷如鉄晨爨乏升斗  
冒雪斲黃精呼兒理魚 蕭條秦隴間不廢詩千首  
依巖遂入蜀幕府備賓友草堂浣花溪頗復事南畝  
亂離又飄泊累若喪家狗雲安麴米春巫峽風土陋  
扁舟下瞿塘留滯湖湘久家事竟何成丹訣空繫肘

淒涼耒陽縣醉死竟坐酒雖煩微之銘不返鄠杜柩  
誰將樽中渌一酌泉下朽詩篇垂琳琅長作蛟龍吼

### 黃陵廟

湘妃廟貌枕江濱不見當年鼓瑟時玉佩風搖雲冉冉  
翠帷煙濕草離離淒涼清淚留斑竹寂寞深林叫  
子規斷簡遺篇杳難考無人為立退之碑

溪

### 望九疑

洞庭渺漭蘆葦秋九疑聯綿煙靄浮重瞳一去不復  
返蒼梧雲物空疑愁雨階干羽多寂寞千古夷夏相



仇讐安得垂衣轉琴軫薰風為解吾民憂

去歲道巴陵登岳陽樓以望洞庭真天下之壯

觀也因誦孟浩然氣蒸雲夢澤波蕩岳陽城  
之句迨古今之絕唱爰用以為韻賦詩十篇

登樓窺洞庭滄波渺無際波間起飛龍慘澹帶雲氣雲

雷倏忽滅天水共澄霽矯首望君山鏡面青螺髻

地枕江湖髻秋來多鬱蒸山城少見日霧雨長冥：今

夕定何夕月華風露清于此興不淺欄干聊復憑

秋色到極浦層空靄竹雲長劍撫玉珥欲降雲中居

桂旗澹偃蹇風馭何繽紛淹留豈予顧沐浴空蘭薰

此身墮江湖恍若在清夢：中亦何為思古亦長慟心

馳閑塞遠目與飛鴻送賈客不知愁淒然笛三弄

江湖渺無涯悵然懷震澤地分吳楚遠天共雲水白鱸

魚正堪鱠蟹螯亦可擘何日歸去來秋風思遷客

西風木葉脫洞庭水增波蘋芷滿洲渚有懷憂思多

眇：帝子愁欲降山之阿蘭蒸奠桂酒浩唱聞九歌

湖光如鏡平風雨一搖蕩蜿蜒舞翠蛟洶浪疊銀浪帆

檣走陣馬勢出霄漢上吾生幸可惜何事泉腹葬



濯足洞庭波秋高翠增岳美人渺何在使我懷抱惡悠  
悠江湖深坐阻關山邈採蘭欲寄之終朝不盈握  
重湖望不極秋色藹殘陽洲渚雲沙白菰蒲霜葉黃飛  
帆適常澧迴雁過瀟湘楚客經行處依然蘭芷香  
江湖秋日暮遠客若為情宿舸沙邊纜征鴻雲外聲  
星河搖例景鼓角起江城去國同王粲登臨百感生  
促織

促織哀吟不自勞草根床下夜蕭騷我為逐客宜無  
寐何事勦：至日高

秋風二首次子美韻

秋風淅、吹南山胡騎憑陵窺漢關金輿玉輦幸沙  
漠兩載于今猶未還中原道路盡豺虎擇肉漸覺來  
荆蠻運籌帷幄策安出母事推注移文開  
秋風淅、吹客衣日光奄、寢已微自我行吟楚澤  
畔三月不通家問稀清霜冷落歲將暮僕御借問何  
時歸我今萍梗任飄泊懷土却誤從來非

次韻艾宣畫四首

磊落胎仙誰最宜此若節操凜霜威琴心試與彈三



疊從者婆娑舞羽衣 右咏竹鶴

黃精苗盛雪初融 疊々峰巒紫翠重 巖前雙鹿卧底

事祇應春日長新茸 右咏黃精鹿

春日羣芳此最妍 露枝烟蕊裏成團 不知閑客來何

處獨傍花枝子細看 右杏花白鷗

紅粧翠蓋曉參差 水面浮遊有戲龜 誰道千年有巢

葉也知曳尾已多時 右蓮龜

西風行

西風墮高梧 秋暑退殘熱 豈不欣微涼 寤歎驚急節

歲華聿云莫 露風繁霜結 干戈隨凝陰 虜騎壯勝鉄  
邊防久凋殘 河洛據戎羯 中原無長城 何以限逸越  
傳聞今年春 閔輔已蹠血 強兵健馬區 乘間肆陵蔑  
况茲柔脆鄉 豈復勞齧齧 江漢非不深 天險為人設  
要害無重其 一葦自可絕 恬然不為備 廟筭豈有說  
翠華果何從 大計宜早決 緬懷沙漠寒 矯首望漢月  
杳無鴻雁來 寧有野鼠掘 何時金鳳輦 復返蒼龍闕  
群生有安堵 國耻稍一雪 努力肉食謀 傍觀心已折

畫草蟲八物



蚊

所志惟一飽聚聲如雷車秋來腹長饑撲々啄作花

蠅

情態真可憎畫成因誤墨覓々亂雞鳴慘々變白黑

蜂

杪忽腰如壺聯絲窠若屋毋輕懷袖間防此萬毒尾毒

蝶

粉翅搖春暉翩々自來往勿貪花草香觸此饑蛛網

螳螂

飄々綠衣郎怒臂欲當轍君主求勇士嘉爾能伏節

蜻蜓

雙睛碧珠瑩四翅青羅薄但知逐飛蚊不復顧黃雀

蟋蟀

戚々鳴歲暮不知有春秋肯信鷗與鵬同作逍遙遊

絡緯

露下草根冷戛然長悲鳴誰知兩股間能作無窮聲

讀二疎詩

都門供張設祖道冠蓋如雲聲浩々送車百兩知為



誰太傅少傅同歸老道旁觀者為泣下賢哉大夫能  
自保酒酣禮畢亂決去脫若林泉放魚鳥當時宣帝  
重法律視遇公卿同隸皂楊揮所坐祇語言趙韓之  
誅亦草：故令二傳動歸心未必筋骸果衰槁父子  
相隨出難関歸來自覺故鄉好黃金散盡宴親賓日  
治酒散供洒掃肯將田宅遺子孫清白傳家最堪寶  
寂寥千載想風流知止不辱何其早

著迂論有感

長笑梁溪翁平生有餘拙于今欲行古無乃亦癡絕

施之廊廟間放步足已跌下帷更潛思又復廣陳說  
從來坐言語得謗今未歇曾不步創怨說：祇強眊  
惟堪覆醬瓿詎足議往轍掉頭謂不然此理君未察  
立言與行事垂世初不別身窮言乃彰貽範有前哲  
周文拘羗里易象乃成列仲尼道不行褒貶代賞罰  
屈原因椒蘭澤畔採薇蕨離騷體風雅光可爭日月  
虞卿罷趙相梁魏頗屑：世亦傳春秋端為窮愁設  
聖賢垂簡編往：因憤發避謗不著書陸子良已點  
區：禍福間何足議宏達泛覽古人心一：可坐閱



大畧觀規模精微析毫髮幽光發于將潛慝戮饕餮  
會有知我人玩味為擊節安知千載後觀樂無季札  
豈能繼潛夫粗可做荀悅子雲芳草、解嘲何可缺

建炎行 有序

予去歲初夏自長沙聞尹京之命率義旅入援王室  
次繁昌得元帥府檄審虜破都城二聖北遷號慟几  
絕至當塗見赦書上登寶位且喜且悲意欲一到行  
在覲新天子道胷中所欲言者即丐歸田里此其志  
行次淮楚間忽聞已告廷除拜荷特達之知極感而

位以六月朔抵南都有旨執政出迓賜燕于金粟園  
具奏丐免即入城是晚召對內殿叙陳國家禍故上  
嗣位慰天人之望泣謝首被選用顧才力不堪弗敢  
當乞遴擇足以副公議者上慰勞允之即遣御藥押  
赴都堂治事翌日再對復力辭三上表章皆優容不  
允是時偽楚邦張昌以太保同安郡王領三省事五  
日一會都堂即建言邦昌僭竊不宜與政臣不可與  
同列凡受偽命者皆宜正其罪以為臣子之戒具奏  
十事皆當時急務度能從乃敢受命有旨付三省司



施行又與執政廷辨至泣拜以辭上感動乃罷謫邦  
昌與受偽命者翌日乃受告因為上規畫所以捍禦  
金寇奉迎鑿輿之策且為河北河東國家之屏蔽雖  
頗為虜所陷沒然其兵民戴宋之心堅甚朝廷不議  
救援使人力屈而附賊為患非細于是薦張所招撫  
河北傅亮經制河東二人者皆有將帥才具甲兵錢  
糧而遣之又請車駕一至京師見宗廟慰都人之心  
度未可居則巡幸南陽駐驛示不棄中原而西通關  
陝可起兵馬東通江淮可運糧餉南通嶺蜀可取貨

財北援三都兩河興賊爭利天下形勢莫便于此有  
旨遣使經畫又勸上益募兵買馬繕器伏修軍政擇  
將帥置帥府要郡以經畧天下是時劇賊李昱擾山  
東杜甫起淮南李孝忠亂襄漢皆遣將討平之其餘  
降者千餘萬皆分隸諸將使渡河討賊才兩月間威  
令稍振竊以奉令承教可幸無罪中興之功庶几可  
成不意同列者害之陰以巡幸東南為安動上意八  
月五日告廷遷左僕射既命二相矣于是顯阻張所  
而罷傅亮連數日爭之不可得則丐罷政奏上以謂



方朝廷艱難不敢充位脩負以虛負天下之責章三  
上再押入一對後殿力求去上度不可留乃除觀文  
殿大學士提舉抗州桐霄宮泛舟東歸已而言者交  
章詆在相位施設不當且誣以傾家貲犒叛卒聞者  
駭愕賴天子睿明育以察其不然姑梳職俾以宮祠  
居武昌聞命即上道遶瀕江盜賊搜攘間關道路踰  
半年始達湖外追思前事恍如夢寤而連年奔走縲  
走萬里初不自知其所以然夫出處去就固大臣之  
常事不足道也然金人今春果擾關輔蹂踐京東兩

京西河北兵民叛為盜賊皆如所料鑿與遠幸未有  
可還之期翠華飄泊未有定居之所生民未休息中  
國未乂安此固為人臣子之所夙夜痛悼而寒心者  
也噫天實為之謂之何哉掇取出處去就大槩賦詩  
一百二十韻日之曰建炎行覽者庶有感云

金寇初犯闕太歲在丙午殊思擢樞廷愧之涓埃補  
兩河未奠枕杖鉞出宣撫乞身緣謗讒竄謫旅湘淑  
明年丁未夏被命尹天府頗聞環京畿四面盡豺虎  
金湯雖可恃憂在人不可禦見危思致命入援哀義旅



卷之十  
三  
旌麾亘江湄畏景觸隆暑忽傳元帥檄果有城破語  
鑿與幸沙漠姑后辭禁藥皇孫與帝子取索及稚乳  
禮文包旂裳樂器載筍簋金繒聲公私技巧到机杼  
空餘宗廟存無復薦簋簋淒涼蒼龍闕寂寞玉華廡  
疇能供御粟誰與獻肥瘠無從執羈勒安得生翅羽  
號慟絕復蘇洒淚作翻雨繼聞宣赦書竇位登九五  
神明看依歸率土盡呼舞皆言湯武姿勇智天所與  
向來使賊營英氣龍驕虜建牙出危城帝命續鴻緒  
不然艱難中何以脫窾綸茲讐不載大兄弟及父母

嘗膽思報吳枕戈懲在宮齊侯何足稱勾踐不須數  
周漢獲再興宣光定神武願言親行在玉色親敵翻  
丹誠遠披陳秘策得宣吐謀身雖拙許報國心獨苦片  
言倘有合丐骨歸壠畝飛帆過金陵鼓柁遠淮浦遠  
傳告大廷命相比申甫顧茲斗筭器何以動堯禹深  
惟持違知感慨激肺腑如何日月光可以螢燭助舍  
舟行汴堤驅車赴延佇傷心兵火餘民物亦凋瘦中  
使乘舟來茶藥寵賜予拜恩邱山重坐使療癘愈行  
行近南都戈甲震金鼓將佐迎路傍往、多舊部冠



蓋如雲屯賜燕金粟圖謝免徑造朝淚落濕殿礎初  
稱宗社危天地同情怒次陳國多難實起中興主末  
言樗散才初不堪梁柱昂顛將覆餗棟橈必傾宇况  
茲扶顛危正賴肱與股大舜與臯陶小白相仲父耕  
莘與釣渭端不之伊呂惟當博詢訪考慎作心膺封  
章屢懇辭帝曰莫如女往作礪與舟不復容佞僕叩  
額宸扆前臣敢論偽楚易姓建大號厥罪在砧斧柰  
何坐廟堂乃與臣等五更效老獵帥十事聽裁處天  
子亮精誠一、皆可許因陳禦戎策用此敢予悔河

外須救援屏蔽資捍拒問誰可驅策因薦亮與所涼  
師當一到九廟陳昂姐却為巡幸計不可去中寓南  
陽光武興形勢真險阻西通關陝區東與江淮距三  
巴及嶺海寶貴可運取據要爭權衡黠虜謀必沮募  
兵益貌貅買馬增收圍號令新幟旗仗械飭干櫓軍  
容久不振整頓就規矩潢池盜弄兵羣惡相嘯聚偏  
師命剪除快若貓捕鼠餘寇悉款降分隸歸籍簿蒐  
裒將帥才賞罰頗有序經營年歲間庶可事大舉滅  
虜還兩宮雪耻示千古却隆太平基不愧宗與祖豈



知肘腋間乃有椒蘭妬含沙幼射影聚毒陰中蠱規  
模欲破碎謀議漸齟齬固知黠峭姿自不敵媚嫵恨  
無回天力別此未中蠱安能破銅山但志燃塢時  
危敢干祿抗疏願引去涕泗對冕旒非不戀軒宇君  
臣以義合無使赭舂杵帝度不可留乃聽上印組扁  
舟返東吳却理梁溪艣多言更萋菲貝錦成罪罟尚  
荷皇天慈薄譴居鄂渚我來雪霏及此歲將莫崎  
嶇山谷間避寇如避弩行在江南山始踏湖北土風  
煙愁浩蕩鴻雁折儔侶沉吟白雲飛悵望黃鶴翥晴

川俯漢陽葭麥滿鸚鵡家山渺安在幽夢到別墅三  
年再謫官繚絡萬里路浮遊幻境中塵跡歎仰俯翠  
華尚蒙塵吾敢念門戶但嗟機會失事勢與先覩今  
年虜益橫春夏蹂京輔萬騎略秦關餘毒被陳汝五  
陵氣葱、中原鬱、棄置不復論彌望皆莽鹵旌  
旃滿江淮寇鈔連齊魯六飛竟何從秋晚尚江滸何  
時息干戈禮瑞奠瓊琬斯民安田疇餘穀棲廩庾四  
方道路通舟車走商賈吁嗟乎蒼天乃爾艱國步譬  
猶大厦傾著力事撐柱居然聽頽覆此身何所措又



如抱羸瘵邪氣久已痼不能親藥石乃復甘粬糧膏  
盲骨髓間性命若絲縷安得和緩徒舉手為摩拊馴  
致海寓康蒼生有環堵

梁溪先生文集卷之第一十九終

梁溪先生文集卷之第二

詩十六

在湖外作五十

中秋望月有感

張子公再得湖倅因書寄之

十六夜月二首

聞翁士持攜家居膠山

讀諸葛武侯

秋夜有懷二首

宗陽道中作四首

宿巖頭寺

巖柱二首

寓宗陽西山定林院有感二首

灌溪三詠

次韻鄭授見寄鄭詩附入

聞山東盜破黃州

題青龍興化禪院方丈



得諸李報薛克寅范茂載胡仲儼皆已物故感

愴有作 書末

山居四感四首 山居四景四首

山居四適四首 山居四弄四首

淵聖皇帝賜寶劍生鐵花感而賦詩

初寒 和陶淵明貧士詩七首

蜜蜂 次韻陶淵明九日間居

病牛

中秋望中有感寄叔易季言并以簡仲輔弟

前年河內中秋月玉帳初寒鐵衣滑羽書狎至不成  
眠坐伴清光到明發是時季弟在幕中病隔紗窓共  
談說出師未捷身已死繼被宸章召還闕去年中秋  
寓宋都金針篆字看除書夜同叔弟坐月下仰望赤  
氣環斗極經營兩河初就緒斤罷將帥良非圖陵晨  
廷爭不可得上還印綬歸東吳今年謫官旅湖外又  
值中秋有佳氣纖雲四卷天無河月色滿庭如潑水  
緬懷諸季會合難但興阿宗相勞慰舉杯邀月應笑  
人處、相逢萬里餘我生端遇國步艱出入將相三



年間功名富貴亦何有  
慨念四海悲瀾心馳沙漠  
關塞遠身墮江湖風露寒  
不須更問世間事但願封  
月身長閑

張子公再得湖倅因書寄之

吳興別去久飄蓬清夢時遊苕雪  
中十里荷開生色畫四圍波泛水  
晶宮嘉君再擁朱轡貳顧我今成  
白髮翁倘幸寬思聽歸去之須相  
訪五湖東

膠山蘭若幽勝予寓梁溪久而未之到聞翁士

特攜家居其間賦詩見意

間道膠山寺幽深過惠山僧房穿窈窕石溜落孱顏  
地僻車馬絕山高松桂環鐘聲清藹外剝影白雲間  
旅泊君得計飄流吾念還時危暫安遠景勝且躋攀  
耿：寸心亦蕭：雙鬢斑搶攘憫甌越寂寞墮荆蠻  
風月三千首軒裳五兩綸戎居傷浩蕩綵服羨  
天地旌麾滿江湖鷗鷺閑何事共樽酒世路正多艱

十六夜月有作二首

清光殊未減碧落絕纖塵絳闕飛金鏡銀河渡玉輪  
霏：煙靄滅湛：露華新倚幌人千里遙知翠黛顰



長娥常不老 宮殿復清秋  
丹桂欲飄子素蟾相對愁  
林寒枝繞鵲 江迥水明樓  
逐客几絃望 又看成玉鈎

讀諸葛武侯傳

天下戈兵正雲沸 伏龍鳳雛那可致  
棹頭自作梁甫吟 瓏上躬耕方得意  
將軍漢裔真英雄 惠然三顧草廬中  
心期胎合論世故 如魚得水雲從龍  
指麾顧盼定巴蜀 抗魏連吳分鼎足  
受遺乃在永安宮 歎息君臣難繼躅  
南征五月深渡瀘 上疏北伐遵遺謨  
連年動衆擾間輔 數戰未必非良圖  
大星夜墜驚營壘 壯

志雄謀嗟已矣 至今魚腹淺沙中  
八陣依然照江水

秋夜有懷二首

草木又搖落 閔河方阻深  
龍庭空入夢 雁足不傳音  
黃傘遊何處 蒼生思至今  
娟娟江漢月 空照逐臣心  
坐失金蕩險 搖一翠蓋飛  
空聞八駿御 不見六龍歸  
天地干戈滿 瀟湘鴻雁稀  
漢宮秋夜月 依舊照彤闈

崇陽道中作回首

我行江南春 初見農事作  
及茲旅湖外 秋稻半已穫  
隔林聞晚春 葉枯積籬落  
童稚亦熙熙 田家有餘樂



溪清石齒，山遠木蒼。落日煙景暮，西風粳稻香。茂  
林歸鳥雀，平濕下牛羊。月露浩如洗，凄然欲結霜。  
承平無事久，萬里盡農桑。誰使干戈起，坐令民物瘡。關  
河成阻絕，京洛亦淒涼。尚喜江湖外，斯民遊樂康。  
連年兵甲興，猶幸東南稔。食足無叛民，閭里得安枕。  
傳聞江淮間，蝗旱今猶堪。努力事變調，未寒心已冷。

宿巖頭寺

天氣沉陰迫季秋，通城早發宿巖頭。催寒小雨松桂  
濕，出岫孤雲嵌洞幽。竝錫真還行脚債，鉗鎚罕遇點

曾濤夜深雲散千峰月，注目寒空獨倚樓。

寓崇陽西山定林院有感二首

踰年去天闕，長是寓僧廬。雲水志方通，軒裳情已疎。午  
風吹茗椀，夜月照牀書。忘我兼忘世，此生真有餘。  
清露初八候，落葉半辭柯。歲晏遠如許，時艱將若何。  
關山空歲月，江漢自風波。

原缺

巖桂二首

汲水灌巖桂，最憐風露香。黃花金瑣碎，碧葉玉光銍。  
却憶七閩路，有懷中隱堂。相看久不看，氣味自難忘。



閩中多此木而予植于梁溪中隱堂凡數十本秋至開花香聞數里遠地見佳木依然如故人難當禪客意為折數枝新自耐風霜早不慙蘭蕙春殷勤置瓶水寂寞伴聞身

教授鄭昌齡詩

雅望三朝第一流端如砥柱屹清秋愛君炯々無他志許國堂々不自謀夢繞蒼龍新闕角涼生黃雀舊樓頭中興真主須真相未雪雙鬢耻未休

次韻鄭教授見寄

泛梗飄萍逐水流故人書到正霜秋扶顛拯弱多迂

論舍求田更拙謀輦道淒涼沙磧外鈎陳寂寞楚

江頭政

灌漢三咏

智閑禪師道場

道人卓錫使泉飛一派清甘滿石陂誰識灌溪真境界也知只見漚麻池 右咏灌溪

結菴雄踞妙高峰孤秀巉然萬境通不見德雲空住處却須相遇別峰中 右妙峰菴

松蘿蔭翳色蒼々盛夏南風草木香普願眾生無熱惱不應身獨占清涼 右咏清涼境界



題青龍興化禪院方丈

幽然丈室湛虛明地僻山空萬象清  
滴翠老杉清淨色銷金流水妙圓聲  
殷勤禪客邀迎厚寂寞宰官身世輕  
野鶴孤雲無不可會須還作二龍行  
興化禪院在青龍山去黃龍地面不遠餘皆未曾到故云

聞山東盜首所謂丁一箭者擁眾數萬人臨江破黃州官吏軍民皆保守武昌江湖間騷然

未知脩禦之策感而賦詩一篇

時危貴權謀盜賊本王臣招徠駕馭之自足張吾軍

蠱蔓固有毒犀象亦可馴恩威倘得所摩拊還其淳  
光武制銅馬曹公用黃巾資其戰大敵且以蘇良民  
去年議招撫乃以此義陳置司未閱月來者如屯雲  
柰何力沮罷坐使復紛傳聞中原寇鉄馬動成群  
虎兕出于匣王石同其焚京輔困抄掠遂及江湖濱  
東南久平定郡縣無城兵天整非不險誰與守要津  
古來重鎮地控扼非其人小敵已震懼大者當何云  
人謀自回適天意詎不仁安陽迴陽輝一令四海春  
得諸季書來報薛克寅范茂載胡仲儼諸公皆



相繼物故不禁為之感愴有作

親故繼凋喪初非因荷戈波驚川閣水霜早葉辭柯  
世上故人少錄中新鬼多浮生端若此傷感竟如何

山居四感四首

翩翩啁噪繞高簷糝食枝棲安用貪怒門不知緣底  
事敗毛輕毳落甦 右門雀

欲雨小雲四面回垂空庭蟻戰久相持只應薄伐檀

羅國正是槐安獻捷時 右戰蟻

脩竹茂林山寺幽蟬聲加沸滿床秋吸風飲露無求

世慧、何為噪不休 右噪蟬

月露淒清濕草根寒蟲偏向夜深聞隨時感氣成悲

怨不是來銷逐客魂 右吟蛩

山居四景絕句四首

歲晚蒼官鬢髮清回風披拂自悲鳴不容逐客多歸  
夢故作江湖波浪聲 右咏松風

森然繞檻翠琅玕瘦竹疎枝特地寒底事葉垂渾不

舞金風零露夜溥 右咏竹露

玉潔煙輕一片深飄然出岫本無心孤雲遠映碧天



去也解重來為作霖 右咏嶺雲

月出松林已半廊故開窓牖納清光常娥應訝年  
瘦千首新詩書滿床 右咏牕月

山居四適絕句四首

山禽喚覺不成眠興若長鯨吸百川滿酌甕甌當金  
盞陶然便覺酒中仙 右咏酌酒

安眠飽食更何求只久雲腴茗一甌龍鳳不須誇北

苑搶旗且與試中洲 右咏烹茶

平生長讀蠹書蟬老去猶資慰我心每到古人名節

處慨然掩卷一沉吟 右咏讀書

假榻禪房夜寂然瓦爐石餅熟龍涎霏微縹緲根塵

際吸引方知鼻觀圓 右咏焚香

山居四弄絕句四首

道人多種木芙蓉曉看清霜分外紅萬葉千花本何  
有因空成色、成空 右咏拒霜花

昂然璀璨繞堦除端似羣雄領眾雛只有一花無別

德誰云魯國固多儒 右咏雞冠花

重陽旋覓菊花栽青蕊蕭疎殊未開我似陶潛正無



酒休將冷艷笑空壘 右咏菊花  
步屣秋風見舜華 疎籬灼灼曉田家  
朝開暮落君休笑 縱使多時終委沙

淵聖皇帝賜寶劍生鉄花感而為賦此詩

靖康虜騎窺帝城 中原慘沒生煙塵  
帝謂細柳真將軍 總兵欲使窺浮雲  
解賜寶劍御府珍 魚腸盤屈松檜紋  
縷金錯翠丹瑤琨 剗截犀象如羔豚  
驅逐狂寇出邊環 妖腰亂領徒紛紛  
龍吟咏吼清夜聞 乃知此物能通神  
爾來杜門空念思 舊事誰復可共論  
今晨

開匣觀龍文 鉄花繡蕊溢蒼蘚  
痕東南旱濕相蒸薰 坐使三尺光鋌昏  
安得砥礪來峨岷 淬鋒斂鏘斨發  
新霜寒冰滑無皸 鞞指麾尚可清妖氛  
願提此劍平戎獯 犬羊雖象氣可吞  
手新可汗羈可敷 天旋日轉還雨君  
書銘却勒燕然勳 攄憤刷志耻乃伸  
壯懷聊可垂乾坤 緹繡十襲傳仍昆  
衡縮之賜何足云

讀蘇東坡和陶淵明貧士詩寄諸子姪云重九

俯邇樽俎蕭然今予亦有此數因次其韻將

錄寄梁溪諸弟以發數千里一笑

計五言七首



迂疎得遠謫漂泊將何依區區一寸心未報三春暉  
歲月不我與急景驚翻飛方者社燕來又見霜鴻歸寬  
恩尚原祿未更寒與飢荒山俯佳節九日誠可悲  
淒涼寓僧舍寂默坐禪軒雖辭萬鍾祿尚未自灌園  
仲尼猶在陳我厨農有煙藜羹得一飽滴露味自研寒  
寫窓周易更咏五十言儒生真可笑餓隱稱其賢  
何以寫我意寄之朱絲琴鍾期久已死千古無知音  
棄置不復彈調家難緝尋東籬採青蕊濁酒聊孤斟  
千駟所不顧一斗誠可欽陶然又復醉誰識淵明心

翫麟老張鎬窮莫窮黔婁古人日已遠此意誰復酬  
墨翟突不黔仲尼輒環周豈為一身計實懷四海憂沮  
溺且躬耕吾豈斯人儔有酒且徑醉無酒不必求  
佳晨延九日旅食寓江干頗同謫仙人漂泊來銅官  
樽俎何蕭條菊蕊漸可粲回風吹青松慘慘歲將寒  
但有杯中物不愧簞瓢顏一觴復一咏明月窺禪關  
自我自廊廟遠舉如飛蓬狗道敢懷祿謀身殊未工空  
餘耿耿心不慚楚雨龔韋然諸季賢意氣與我同何  
當恩歸聰兵息道路通却尋惠山路策杖得相從



我家梁溪上夢隨江湖州塊處無處與語誰復為朋  
儔遠懷作重陽置酒臨清流挿花獨少我感物增離  
憂我亦事杯杓阿宗相獻酬欲寄一枝菊川途方阻脩

次韵淵明九日閑居

天地一逆旅于焉寓此生群花恠將暮共愛九日名  
氣清霜露肅天高山川明月戶藹夜色風林颯秋聲  
東籬菊有華可以延我齡采金瑣碎泛此玉觴傾  
一醉遺萬物况復軒裳榮淵明骨已朽千載同茲情  
時危丹砂遣歲晏將何成

初寒

霜早風高寒氣萌可堪獨傍楚江行貂裘已敝蘇季  
子葛屨更穿東郭生外酒暈紅潮玉頰夜爐燃鼎沸  
松聲妻挈千里應思我悵望牛衣此日情

蜜蜂

秋、浙、桂花香花底山蜂採掇忙但得蜜成功用  
足不辭辛苦與君嘗

病牛

耕犁千畝實千箱力盡筋疲誰復傷但得衆生皆得



飽不辭羸病卧殘陽

梁溪先生文集卷之第二十終

梁谿先生文集卷之第二十一

詩十七

胡茄十八拍

重九醉中戲集子美句二首

梁溪八咏八首

次韻淵明讀山海經

夜寢夢遊泗王觀重建僧伽塔

和陶淵明時運詩念渠溪故居一篇

小雨

和淵明歸田園居六篇

客餉新稔有感

和淵明擬古詩九首

偶得雙鯉付厨作鱠以薦一觴



和淵明停雲篇

和淵明榮木篇

和歸鳥篇

和淵明已酉九月九日之作

和勸農篇

和淵明遊斜川

胡笳十八拍 并序

昔蔡琰作胡笳十八拍後人多有倣之者至王

介甫集古人詩句為之辭尤麗縟悽婉能道

其情致過于創作然此特一女子之故耳靖

康可為萬世悲暇日效其體集句聊以寫無

窮之哀云

第一拍

四海十年不解兵朝降夕叛幽薊城殺氣南行動天  
軸犬戎也復臨咸京鉄馬長吟不知數虜騎憑陵雜  
風雨自是君王未備知一生長恨柰何許

第二拍

黑雲壓城、欲摧赤日照耀從西來虜箭如沙射金  
甲、光向日金鱗開昏、問闔閉氛祲六龍寒急光  
徘徊黃昏胡騎塵滿城百年興廢吁可哀

第三拍



千乘萬騎出咸陽百官跣足隨天王翠華搖，行復  
止胡塵暗天道路長金盤玉筋無消息色難臭腐食  
風香晚將未契託年少遂會再往之計墮沙茫

第四拍

筋幹精堅胡馬驕猛蛟突獸紛騰逃春寒野陰風景  
暮塵埃不見咸陽橋中原格鬪且未歸隴山蕭瑟秋  
雲高安得壯士兮守四方一豁明王正鬱陶

第五拍

漢家離宮三十六緩歌慢舞凝絲竹鉄騎突出刀鎗

鳴驚破霓裳羽衣曲明眸皓齒今何在細柳青蒲為  
誰綠桃花依舊笑春風，動落花紅救，

第六拍

憶昔覓旌下南苑攀條弄芳畏晚晚只今飄泊干戈  
際寒盡春生洛陽殿梨園子弟散如煙白馬將軍若  
雷電城上春雲覆苑牆回首何時復來見

第七拍

星宮之君醉瓊漿矯如群帝驂龍翔龍池十日飛霹  
靂齊言此夕樂未央 圃滄洲莽空濶羽人稀少不



在傍深山窮谷不可處託身白雲歸故鄉

第八拍

黃塵散漫風蕭索殺氣森々到幽翔五十年間似反  
掌瑤池侍臣已冥冥千崖無人萬壑靜旌旗無光日  
色薄萬事反覆何所無注日寒江倚山閣

第九拍

五陵嘉氣無時無龍種自與常人殊一去紫臺連朔  
漠骨肉滿眼身羈孤金鞭斷折九馬死邂逅豈即非  
良圖人間俯仰成今古豈憶當殿羣臣趨

第十拍

人生失意無南北去住彼此無消息黃蒿城雲不開  
時復看雲淚橫臆猛將腰間大羽箭一箭止墮雙飛  
翻汝休枉殺南飛鴻道路只今多擁隔

第十一拍

天子不在咸陽宮翠華拂天來向東江間波浪兼天  
湧中有雲氣隨飛龍干戈兵草闔未止無復射蛟江  
水江邊老人錯料事時危慘胆來悲風

第十二拍



漁陽突騎獵青邱  
天馬跋足隨犁牛  
幕前生致九青  
兕苦寒贈我青羔裘  
萬里飛蓬映天過  
歲云莫矣增  
離憂如今正南看  
北斗長安不見使人愁

第十三拍

聖朝尚飛戰鬪塵  
椎鼓鳴鐘天下聞  
岍上荒村盡豺  
虎衣冠南渡多崩  
犇何時鑄戟作農器  
欲傾東海淚  
乾坤干戈未定夫  
壯士舊事無人可共論

第十四拍

大麥乾枯小麥黃  
問誰腰鑷胡與羌  
漢家壯士三十

萬此豈有意仍騰驤  
安得突騎只五千  
長驅東胡  
走藏近靜潼關掃  
螻蟻為留猛士守  
未央

第十五拍

我生之後漢祀衰  
經濟實藉英雄姿  
逢拱北辰纏寇  
盜香、南國多旌旗  
傷心不忍問耆舊  
垂老惡聞戰  
鼓悲中夜起坐萬  
感集誰家搥練風  
姿

第十六拍

雨聲颭、懼早寒  
歲暮窮陰暝木已  
燕山雪花大如  
席寒刮肌膚北風  
利羣胡歸來血洗  
箭陣前部曲終



日死漫、胡天叫不聞日夜更望官軍至

第十七拍

時危始識不世材成王功大心轉小豺狼塞路人斷  
絕一門骨肉散百草江頭宮殿鎖千門不知明月為  
誰好何時眼前突兀見此屋雞鳴問寢龍樓曉

第十八拍

風塵瀕洞昏王室咫尺波濤水相失漂然時危一老  
翁洒血江漢長哀淚第一會分琴一拍青山落日江  
湖白身欲舊飛病老床此心烟、君應識

重陽日醉中戲集子美句遣興二首

青山落日紅湖白漂零已是滄浪客老去悲秋強自  
寬青蕊重陽不堪摘東流江水西飛燕傳語風光共  
流轉急觴為緩憂心擣休語艱難尚酣戰聖朝尚飛  
戰鬪塵何用浮名伴此身時復看雲淚橫臆晚來幽  
獨恐傷神

籬邊老却陶潛菊開花無數黃金錢且看欲盡花徑  
眼飲如長鯨吸百川只今漂泊干戈際方外酒徒稀  
醉眠腐儒衰晚謬通籍杜曲幸有桑麻田故畦遺穗



已蕩盡中原君臣豺虎邊安得務農息戰鬥武陵欲  
間桃花源

花寢夢遊泗上觀重建僧伽塔才兩層塔以今

春同普照王寺焚蕩始盡豈真大士有意來  
此王乎覺而賦此長句一篇以紀之

聖人于世何所求隨緣應物初不留緣合則應散則  
休起滅幻境如浮漚僧伽塔踞淮泗流火焚水歲轉  
几周國家崇奉德更優雍熙所建無與儔眉：金碧  
巧雕鏤鑿石作址蟠龍扎簷前寶鈴韻琳瓊勢挿霄

漢神為謀瑞光煥發垂珠旒青天白日爛不收崔巍  
高殿聳飛樓千楹萬柱煙雲浮誰知興廢相綢繆鉄  
馬馳突橫戈矛四方羣盜起如蠱付以一炬荒邱慈  
航濟物衆所庥捨祥我去矣真可憂昨霄夢到淮上  
洲窳堵再造工夫鳩千章臣木回萬牛此豈有意重  
來不塔成大士還舊遊更扶休運三千秋

次韻淵明讀山海經

青霜落喬木翠色颯似疎而我正卧病蕭然寓精廬  
起坐無與歡散帙聊觀書心遊千載間起詣非舟車



更酌一杯酒薦此果與蔬緬懷陶淵明雅志與我俱  
還看枕間屏乃是歸來圖古人不予欺歲晏將何如

予藥室梁溪之上三年而後成手植花木甚衆

未不遭值世故多變未嘗得安居其間歲云暮矣

所享 羈旅蕭然慨然念之因和淵明時運詩以見意

卜宅梁溪成非一朝西山枕岡遠市近却脩竹茂林

翠連烟霄松桂吐香杞菊長苗旁臨清流塵纓可濯

小閣箭然九峰遠矚豈無筆字于我自足兄弟墳麓

于焉相樂春服既成如浴乎沂風乎舞雩咏嘯而歸

自我離羣潛然涕揮拊心念咎電往莫追今夕何夕

夢還我廬推子候門兩髦髦如携幼入室濁酒傾壺

慨我寤歎誰復如余

梁谿八咏絕句

不在山林不市朝且當圖史當漁樵桂花想見秋來

盛香滿西風取次飄 右咏中隱堂

兄弟墳麓人所推棣華堂裏遠相思艱難世路風霜

急正是鶴鷓原上時 右詠棣華堂

親賓情話款衡門把酒揮毫氣吐雲何日寬恩返三



徑一尊重與細論文 右詠文會堂

小閣崢嶸西九峰暮天秀出碧芙蓉孔明本有躬耕

志却合歸來看卧龍 右詠九峯閣

畫舫臨流四面通綠窓面有清風年來始會虛舟

意正在江湖波浪中 右詠舫齋

縹緲危亭枕曲池紅粧翠羽自參差晚涼小飲誰同

醉宜把酒荷當屈厄 右詠怡亭

境寂心閑物宜倚蘭更看嶺雲飛曉猿夜鶴應思

我正好歸時猶未歸 右詠心遠亭

畫棟飛簷俯碧流何時歸去艤扁舟不須更把塵纓

濯直取冠裳裂即休 右詠濯纓亭

予既居梁溪有田園可樂又平生愛錢塘湖山

之勝嘗欲治書室湖上買小舟浮家泛宅往

來苕霅間以終其餘年此素志也自乙巳歲

為世網所嬰此事便廢向浙處相繼兵叛盜

起景物佳處鞠為灰燼今予又羈旅湖外邈

無歸期乃知世間不如人意者十常八九豈

不信然因和淵明歸田園居六篇以自慰之



東吳信佳地碧溪繞青山我居枕溪旁卜築亦有年  
山空乳滿腹迸出蒼龍淵餘波滑無聲下灌負郭田  
秋風粳稻香落照孤鴻間黃鷄與紫蟹日滿樽俎前  
酌酒燕賓友揮毫散雲烟常謂享此樂可以終華顛  
豈知縈世故擾、不得閑側身念吾廬悵望情依然  
一為世網嬰未遂稅塵鞅驅馳途路間空積溪山想  
我居今若何歲月忽已往三徑將荒蕪松菊日應長  
泛居茗雪間吾意誠已廣時危方艱難長恐墮渺莽  
人生不滿百七十亦云稀吾年俯知命漂泊猶未歸

江湖歲將晏霜露霑人衣滄洲惠詢約坐恐此志違  
平生愛武林湖山良可娛連年兵火足景物成邱墟  
嘗願置一廛築室湖上居開軒蒼翠間手植松千株  
浮家同志知來往得自如樽中酒不空樂死不願餘  
那知今乃爾此懷坐成虛已矣何所道萬法皆本無  
每愛賀知章勅賜鑑湖曲而我不須多數頃亦已足  
母故俯仰間反覆若碁局良辰逝莫留豚遊當秉燭  
明月照芳樽坐待東方朔  
我音居梁溪夢斷長安陌倒冠與落佩志氣良自遠



花前飲春朝月下舞秋夕自從喪亂來光景駒過隙  
無復舊情懷壞、為物役寤寐憂他人自麻初不績  
長嘯休去來勞生亦何益

小雨

小雨簾纖作曉寒繞簷疎竹正檀欒窮愁著論墨長  
濕磊塊澆冑杯未乾莊寫顯時猶越語鍾儀勢處亦  
南冠百憂萬感無時了更賦新詩強自寬

客餉新橙有感

湖外新橙也自黃故人相贈解包香擣壺正繪雙魚

美薦酒聊持一瓣嘗湛硯舊栽千樹橘洞庭初落滿  
林霜木奴供給何須道悵望東吳雲水鄉

偶得雙鯉付厨作鱠以薦一觴

雙鯉從來丙穴東霜刀縷切膾花紅銀絲藿葉自爭  
巧玉筋金盤未覺空德飽姜侯晴已重詩成杜老志  
應同秋風笠澤鱸尤美何日扁舟入手中

和淵明擬古九首

風霜已搖落天氣猶清和聊持一樽酒自飲還自歌  
朝心愁不開暮髮白已多未顏與綠鬢若霜萎荷



流年不我與不飲如老何  
驚心如傷禽衰質若凋柳百年能几時處世安得久  
寤寐若有失哀我泉下友平生不識面况復啣杯酒  
知心乃如斯此意豈可負管鮑貧時交千古亦云厚  
范張久已忘今人那復有

階禍初甚微智者能要終被髮祭于野幸有知其戒  
時平足諛佞世亂多姦雄坐今夷亂華誕謾本晉風  
重華不再作吾道何其窮已矣可柰何此生如夢中  
棄置帝王宅乃欲保一隅一隅豈易保臣盜連荆舒

眷言浙江西有我先人廬兵火偶不到聚族于焉居  
羈來未得歸田園日將蕪江邊畏群寇歲暮當何如  
立國有常理恩威撫要荒胡為決藩籬坐使寇及堂  
憑高寓遠日中原氣蒼茫昔時冠蓋地今日爭戰場  
王輦幸朔漠金椀出北邙腐儒獻奇策碧衣坐稱昂  
倘無濟時畧何以綏四方蒼生未蘇息慨歎情內傷  
吾憐靖節翁食少衣不完棄祿綠束帶貴身遂拋冠  
簞瓢有餘樂不慙陋巷顏成趣園日涉息交戶常閉  
返觀富與貴一塵集毫端素琴久無絃適意自可彈



處心慕黔婁杭志同伯鸞斯人骨已朽霜霰時方寒

一作雲松枝幹  
老不懼風霜寒

古今紛變態茲道若長茲處世或窮達否泰各有時  
豈無磨與涅貴在不磷淄達人乃大觀曲士多致疑  
所以古聖賢立此垂世辭殷勤論出處欲使學者思  
周公尚居東仲尼豈余欺愈鈍久乃利魁危當安之  
我亦道窮者欲賦鴟鴞詩結髮慕古人絕俗期遠遊  
如登太山頂志氣小九州古今會遷變萬壑無停流  
向來富貴者累世但荒邱漢唐已磨滅况復秦與周

惟餘節義士可向編簡求

青松生高岡無意斧斤採歲寒霜霰深未覺柯葉改  
梁鴻既適吳管寧亦浮海二子得我心高舉不相待  
士生不逢時命矣何所悔

予來湖外家問不通者業經累月因和陶淵明

停雲篇以遣懷

上天停雲以陰以雨我之懷矣川路修阻田園將蕪  
幼穉誰撫雁信來遲鶴立以佇淒其以風零雨其濛  
自去梁溪爰止西江一室蕭然卧予北窓塊獨處此



人誰我從豈無軒裳誰適為榮人之為人亦以有情  
亂離瘼矣棄家避征知我如此不如無生今夕何夕  
鵲嫋庭朽栽植其尾迭相鳴和發書占之遠問為多  
兆而未至懷哉若何

霜降後諸木葉落獨蒼然松柏顏色愈好因和

陶淵明榮木篇以見其意

采：榮木春華于此及爾素秋風霜瘁之寒暑代謝  
榮枯有時改柯易葉翩其隨而蒼、松柏擢幹蟠根  
風霜雖厲秀色長存君子進德以道為門歲寒時艱

節義彌完惟天子余賦此拙陋材不趨新學唯求舊  
龜哉風夜其何能富屢冒艱危內省不疚先公有訓  
豈敢失墜敬慎威儀聖言是畏鉉刀雖鈍駕馬希驥  
一割之功十駕而至

和歸鳥篇

翼、歸鳥爰集于林近萃芳郊遠依煙岑眷言顧之  
賓獲我心叢木茂止憇此繁陰翼、飛鳥翩然翻飛  
風高天濶去將疇依雲路翱翔倦翮思歸矧微孔多  
無使患遺翼、歸鳥撫翼徘徊江湖渺茫有懷故棲



顧倚嘯侶鳴聲和諧願言不獲悵然傷懷翼、歸鳥  
集于舊條一枝已多豈俟高標斂翰息影好音交、  
願言終之以休永勞

和勸農篇

天臨下土是生蒸民耕食鑿飲乃舍其真淳澆朴散  
巧偽相因誰其還之時惟聖人聖人立政爰重黍稷  
設命官司職是播植春勤于耕秋乃有穡儲其贏餘  
荒歲足食瞻彼中原祁、平睦春日載陽和氣肅穆  
夫耕婦饁儔類相遂少壯竭力逸此省宿豈無他圖

惟茲永久利其耒耜十千維耦帶月荷鋤侵星耘畝  
敦本抑末孰敢游手終年厭殫報則不遺千箱萬倉  
以副汝翼為酒為醴樂此分至仰奉俯畜夫復何媿  
四體不勤大人所鄙帶經而耕豈廢冠履我思古人  
希風徑執躬耕南陽無使專美

秋雨初霽天高氣清獨遊山間意欣然樂之因

和陶淵遊斜川詩以紀其事

歲律忽晚晚我生感行休雨餘秋氣清策杖成獨遊  
蒼、松桂合中有清淺流放懷侶想者忘機狎飛鷗



獨酌與誰共獨歌誰與酬此獨有至樂嘗有知者不  
盜賊紛滿眼世故端不憂置之且勿道獨樂未易求  
後重九并月庭菊始開因思東坡言菊花開日  
即重陽取酒為之一辭遂和陶淵明已酉歲

九月九日之作

地偏菊開晚乃在秋冬交霜中色艷、肯逐蓬艾凋  
感此節物殊為爾再登高玉觴泛金英舉酒望層霄  
雲氣有佳色此豈盱發勞世態互陵滅冰炭方凝焦  
不如醉後眠意味真陶、何論飲而壽且以樂此朝



梁溪先生文集卷之第二十二

詩十八 在湖外作計五十七首

和淵明蒼龐參軍 次韻叔易四絕

叔易得水晶筆格賦詩見意 叔易詩附入

山居四詠四首 山居遣興四首

御畫二軸一馬一兔神氣如生各賦二首

仲輔和寄送季弟詩復次其韻寄之

王周士以幅素圖萬石巖見示為賦詩以答之

煨芋

蒸栗



摘髮間白髮有感 初食金橘

燈花 銅鑪

客有饋玉面狸者 冬日閑居遣興十首

食蟹 食橘

秀容菊 送周元中遊黃龍

許崧老見和玉林堂夜坐詩甚佳復次前韻

周元中賦御畫驄馬因次其韻

黃雀 題峽江蕭氏遊思賢堂

默堂四絕 自鄂渚移居澧陽

翁士特見和山字韻詩兩篇復次前韻以寄之

次韻翁士特試谷廉泉見懷之作

戊申冬至日有懷諸弟時赴澧陽

張氏二甥賦詩可喜

得梁溪家書報黃氏女生外孫

得梁溪家問足慰遠懷因和陶淵明答龐參

山相軍之作

剥啄叩門梁溪有書發函讀之述懷以娛長沙童稚

咸安其居森然滿前如返我廬一書可寶萬金非珍



契濶寤歎乃茲相親鵲不吾欺鳴以告人載詢僕夫  
及其鄰嗟我諸季雞鳴攷々左圖右書中心好之  
山川脩阻貽我以詩三復佳句實慰所思翩々鴻雁  
暫聚函分豈無他人非我所欣清霄步月白日看雲  
無遐邇心好音數聞昔我之來鷓鴣將鳴今也歲晏  
霜露載零言念沙漠有懷玉京終夕不寐群生未寧  
悵望東吳慨臨西河願化獨鶴霄可冲敬慎威儀惟  
以令終黃髮為期其憂爾躬煙

叔易得水晶筆格賦詩見寄因次其來韻頃與

叔易奕而勝得其銅獸鑪製度甚古携行常  
置几案間今此格宜以贈遠與鑪為伴故卒

章及之

武夫惡文士每見輒不喜排紛須大劍安用毛錐子  
豈知管城翁功闕著青史義之可陣圖善戰固其理  
賢哉小謫仙好古良有以獨憐中書君飄泊無定止  
誰將素琅玕實此錦繡篚瑤山列群峰玉筍連厥趾  
置居邱壑間未覺形神滓光聯玉蟾蜍舍棟共斐几  
玲瓏小九華一一名可指作詩寄遠人為洗塵埃耳



秀句與珍玩清絕尤可擬燦然珠玉間尚許蕪葭倚  
我生墮江湖放浪謝簪縱塵泓久寂寞禿穎亦頽委  
當為千里贈勿念一枰配耻此古獸爐縹緲孤烟起

叔易詩

我君豈無朋席上多可喜頽然秀而壯尚有管城子  
若人東郭商策勲在圖史勤榮則多云未省相料理  
提携間遊息棄置或未以坐令大雅士及側靡所止  
公子獨何為珍琳瓌箱篚贈我群玉峯聯綿蓋同趾  
清水出遠壑炯不受纖滓佳哉中書君隱此冰玉几

銅山豈不好嚴道或遭指枕石今枕流便可當洗耳  
我微思公癖玩物詎應擬所欣賢友生相與時徒倚  
煌煌明光宮簪珥逮冠縱何如山中人高卧看雲委  
勿嗟秦少思當念默泄耻盡心竟奚為置此一笑起

次韻叔易四絕句

落日西風粳稻香畦間散策月荒涼誰知萬頃黃雲  
熟行客初看挿綠秧  
笑續離騷賦遠遊霜寒雲夢杳然秋何時把釣梁溪  
上醉嚼蟹螯餘罷休



身閑且作地行仙  
謫墮江湖豈偶然  
幸有惠連詩句好  
不妨青帝寄新篇  
初寒一醉萬家春  
尚有陶翁漉酒巾  
五牧潘葑新釀熟  
閑樽應憶故木歸人

山居四詠律句

潔如白疊軟于氈  
藪浪龜紋細結聯  
雅獨稱倚斑竹枕  
最宜深柱紫沉烟  
斜風細雨吳綾暖  
萬艸千花蜀錦鮮  
何似禪房褚夫子  
日高覆幃擁衾眠  
右咏紙帳  
此君勁節傲風霜  
高卧尤宜逐客牀  
雅製頗同琴可

薦瑩膚端與玉爭  
涼欲憑幻境成佳夢  
故使通中貯秘方  
當貴功名木何有  
覺來猶未熟黃梁  
右咏竹枕

小寒聊試地為爐  
端為先生病體癯  
炙背願馳金駟褭  
藉床初展錦氍毹  
聳肩傍壁詩千字  
爆栗燒氈酒一壺  
便擬殷勤事丹灶  
朝晡稱火較鎚銖  
右咏地爐

沉陰天色半含情  
小院重門晝掩扃  
一枕睡餘香未散  
三甌茶後酒初醒  
山雲舒卷閑中看  
竹雨蕭疎靜處聽  
愁絕最憐霜後菊  
案頭乾死有微馨  
右咏重門

趙叔擢運判見示宣和御畫二軸其一馬舉足



奮迅將起其一兔正面踞地齧草皆絕去筆  
墨畦徑問意態如生精妙入神伏觀之下歎  
息感慨因為之賦詩二篇以贊揚宸翰且叙  
小臣悽憤之情云

宣和天廡多清秋新肉鬣汗血皆翔麟園人牽來赤  
墀下宸筆落紙親傳神非行非立非馳逐獨寫騰身  
前舉足展沙奮迅欲嘶風驤首駿驛初噴玉流雲飛  
電五花驄庭前塔上雙真龍始知韓幹畫多肉坐使  
冀北皆空鑿輿遠狩龍荒外八駿瑤池杳何詣空留

此馬落入人間感憤暗灑累臣涕

右馬

葉枯霜落秋風高山中之兔初長毫天姿狡健雅善  
走韓盧宋鵲紛騰逃帝居深沉九重裏何自得此山  
林意枯茭咀嚼如有聲缺口長鬚聳雙耳宣和天子  
儲聰明天縱將聖尤多能萬机閑暇戲染翰作此東  
郭髦鬣鬢胡塵漠漠睹沙磧屬車一去無消息安得  
壯士東擒胡雞鳴問寢還龍德右兔

煨芋

禪房夜坐腹半饑寒爐撥火煨蹲鴟凍膚傍煖漸舒



暢展轉更覺鳴聲悲毳衣脫落豐肌滑玉軟酥香不  
勞齧芳甘著頰自生津多病文園正消渴吾生老矣  
來荆蠻得汝聊助癯儒餐不學當年鬼谷子糞土惟  
頭拜懶殘

蒸栗

風霜開栗皺孕此頰虬卵嘉哉古所贄釘餌入籩  
篚累：紫腰爇爛：火螿蠶繭甘腴能療病安帝所編纂  
幽人夜讀書坐對銅檠短颺：石鼎沸燭：地爐煖  
試將瓦甌炊剖殼黃玉軟乘飢進五六腹已果然滿

吾嘗位將相日食萬錢饌荒山咬芋栗自勝太官齋  
乃知一飽餘萬品徒過眼聊持薦杯酒不假坡瓌盃  
憂慨不成眠夜寒空展轉

摘鬢間白髮有感

吾生足憂患未老頭已白鬢間垂素絲攬鏡聊一摘  
星：去雖欣種：鮮還感頗愁日增多盡拔復何益  
追思少年時綠髮光且澤森然茂雲松豈復少堪惜  
自從多病後脫落露廣額蒲柳姿易衰日與風霜迫  
蕭然不勝梳復：僅盈嫺安能上指冠常恐吹墮幘



年來涉艱虞更復非夙昔奔馳動萬里潭泊繼三謫  
縱橫蹈危機侈哆困煩噴交遊莫援手仇怨惟下石  
素標宜滿頭斑髮未為逼何年運河車沂補泥宅  
華顛復變鬢去作煙霞容憔悴楚江濱歲時將何獲

初食金橘

江湖種橘侔洞庭于中小者如龍睛珊瑚枝幹碧玉  
葉結實璀璨羅繁星客持贈我意已厚貯以翠籠尤  
晶熒氣含風高露更高潔色著霜日微紅青勻圓入  
手訝磊砢甘酸流頰芳馨金

玉齒乍破碎中有沆瀣凝清冰厥包憶昔貢宮闕瀟  
湘遠物來天扃爭新效美不論直萬顆坐覺千金輕  
美人轉賜入懷袖歸來分餉同瑤瑣只今八駿香姿  
在此物亦爾無光精天涯相見兩寂寞敢以陋質傷  
飄零舉觴為爾成一醉中不省居蠻荆

燈花五言二首

獨坐對黃卷夜寒燈自花紅深誰種蒔枝嫋忽萌芽  
酒綠正盈爵客愁方念家殷勤報遠信賴爾慰年華  
光鉞長吐焰頃刻據開花玉粒乍排粟金英初擢芽



謫官那有喜旅食未還家對爾翻惆悵飄蕭雙鬢華

予來湖外臨行與叔易奕而勝得銅爐製作精

古愛之常置几案間感物懷人為之賦此詩

古製精巧後莫擬何年鑄此形模倖狀為神獸踐脩

虺蜿蜺脊脅莫厥趾犀兕一角昂其鼻胸腹空洞口

哆侈闔機闔開如投甌葭灰養火焚沈水霏微牙吻

煙雲起提攜愛玩置燕几博山篆鼎詎可比一枰何

日刷前耻滿軒風月人千里清香一炷愁如洗

客有饋玉面狸者戲賦此詩

山林冬煖草木衰深巖穴處狸正肥手葺斑毛面粧

玉搖曳脩尾鬣如犁夜行晝伏彼何罪失身終墮網

與機庖厨須爾充口腹几欲斷尾同犧雞蒸炊包裹

付糟滓酥香玉軟豐膚肌霜刀縷切膩且脂犀筋厭

飲良珍奇猩唇熊白不足數披絮黃雀空多旨樽前

風味乃如許為爾倒盡黃金卮

冬日閑居遣興五言十首

歲暮碧山中清霜日自濃  
隱牀吟蟋蟀拂檻老芙蓉  
風月成三友家山夢九龍  
道人知睡美曉將小鳴鐘



飄泊向江城山居境過清霜深猶竹色風勁更松聲  
且進杯中物何須身後名擁爐孤笑處寒夜又三更  
蘭者富雲松吾生寄此中無心復彈劍有恨但書空  
白菊因霜紫青楓白日紅晚來幽獨甚卧聽竹間風  
蕭颯髮絲垂此懷誰與知驚心傷網老繳眼厭誰旗  
未遂龐公隱空餘宋玉悲故園何處是騷首望天涯  
宿雨乍晴天初寒氣暫暄梳頭風滿櫛曝背日臨軒  
小酌無新釀閑眠只舊氈忘心亦忘法作箇是安禪  
深炷一爐香孤吟夜正長山虛風落木雲破月窺房

老驥志千里趣禽思故鄉羈栖兩寂寞坐嘆髮毛霜  
投老見多難干戈日更深飲河胡馬健破壘漢疆侵  
大將未燕首小臣空越吟龍荒兩宮遠感憤淚盈襟  
澤國香何許雁書初報安林間烏雀喜原上鶴鴿難  
松菊荒三徑軒裳厭一官黃梁何日熟客夢正邯鄲  
衰病寓僧房閑中氣味長盤深饒芋栗地僻懶冠裳  
坐隱烏皮几行携古錦囊接籬顛倒著不是醉高陽  
僻處掩松門知非更念恩庭空從雀啅山煖覺蜂喧  
木葉靜如掃茶花閔正繁蕭條歲云暮倚杖自忘言



食蟹

平生最喜最溪居  
溪頭紫蟹几尺餘  
持矛被甲意頗橫  
霜後直欲陵于菟  
端然東炬可攻取  
束縛健首歸庖厨  
雙螯如臂自可飽  
滿腹膏液凝紅酥  
每傾新釀為一醉  
風味竊疑他所無  
那知謫墮荒山裏  
乃有此物供臞儒  
客云來自九江郡  
分以餉我良勤渠  
輪囷初喜入盤饌  
郭索想見行泥塗  
西風江岫蘆葦枯  
下田粳稻香且腴  
朝魁把檼屢蛻殼  
宜爾慳偉留中都  
內黃疏封何足道  
左手相特真可娛  
流膏斫雪快一

嚼不復帳望思東吳

食橘

洞庭一夜天雨霜  
橘林綠苞朝已黃  
遠題書後三百顆  
入手便覺秋風香  
黃金為膚白玉瓤  
沉瀝深貯甘且芳  
雕盤初臂喫清霧  
冰齒乍嚼流瓊漿  
色香氣味紛可喜  
下視衆果皆茫々  
嗟予平生愛種此  
木奴千枝梁溪旁  
只今蒿艾已埋沒  
豈敢向日爭熒煌  
蓬萊雲氣久寂寞  
漢殿無復羅瀟湘  
厥包縱有盡酸澁  
剖之蠹朽安足嘗  
乃知安病是天意  
坐使玉食無輝光



荒山乃爾飲佳品安得驪褭置錦堂君不見杜陵野  
老歌病橘蕭々半死誠可傷

秀容菊

黃菊已槁餘微馥白菊初開疊羅縠秀容半沒却駢  
然故伴幽人慰愁燭吾聞此種南陽多千花萬蕊爭  
駢羅鬱葱佳氣久蕭瑟悵望潭今若何

許崧老見和月林堂夜坐詩因復次其韻寄之  
宇宙一逆旅安用歸我廬解裝寓僧房衰丈即有餘  
三年走萬里華髮照川途頗思少壯樂談笑輕簪裾

醉揮鉄如意擊碎紅珊瑚垂老見兵革濟時愧才疎  
及茲再飄零欽若霜中梧幸從山林遊特與釋子俱  
超然意有會不必窺其書懼仙靜退者久要不渝初  
和我月林篇此作久所無微言思會面歲晚苦離居  
周元中賦御畫驄馬次其韻

蓬萊宮殿日月長廣庭汎灑如無常臨軒親貌玉花  
驄天驥自出天人手驚鴻欲起無羈皂如聞朔風動  
秋草奮身驤首舉雙蹄意態天然始知巧時危反覺  
同永嘉胡騎颯崩陵中華當時宸筆散煙霧往々流



落羣臣家雄姿倜儻精權奇此畫惟應識者知  
崆峒轉仙仗忍傳耆舊把天衣

送周中遊黃龍山

此身飄隨荆蠻地幸有幽人訪我閑  
得句多從邱壑裏知音端在笑  
設問青鞋布鞵平生事野鶴孤雲到  
處山好去黃龍露消息直須一箭透三關

題峽江蕭氏思賢堂

堂為李先之設

玉筍峰邊蕭史居拂雲松竹散扶疎  
妙年氣節慕前輩故老風流空結廬  
幸有江山供一覽自應圖史足

三餘何時海內干戈息借我茅齋與著書

黃雀

秋杪江天小雨餘早飛端為網雁須  
祇應俛啄一粒粟故使常行萬里途  
愛酒懷情多骨醉披綿風度更膚腴  
苞苴宜入金張室分餉何為及老夫

陳幾叟以魏了翁所作默堂箴見示且求舍言

拾其遺意為作四絕句

維摩不二門中法周廟三箴膺上銘  
莫道寂然無所說須知淵默有雷霆



言默當時俱是智可言而默亦非真君者王道守雖言者不語猶能殺伯仁

言以多窮默取容不如體道守其中道非言默所能載畢竟兩端皆是空

鐘鳴谷響孰為然因擊緣聲故有言若會雖言本無說從教千偈口瀾翻

得報以允謫降官負不詩同處一州子自鄂渚移居澧陽有感而作此詩

萍飄梗泛又遷居歎息謀生術已疎願訪湘妃遺珮

浦試追漢傳弔累書干戈滿眼傷羣盜松梓連雲念故廬澤畔行吟覺憔悴身前疑是楚三閭

翁士特見示山字韻詩兩篇為復次前韻寄之  
未展垂天翼聊尋避地山寶坊資小隱綠服奉慈顏  
鄉邑兵干滿軒窓紫翠環遙知排遣處祇在倡酬間  
離索嗟時久詩篇喜使還故情尤覺重佳句不吝舉  
洒落吳牋濕韜藏古錦斑開緘驚璀璨逼耳聽餘鑿  
陋質塵黃閣高材因綠綸青衿同婉孌華髮帳編爛  
顧我方遐棄如云豈久閑何須嘆飄泊吾道屬多艱



踏遍江南土來遊湖外山地卑驚鵬鳥天遠憶龍顏  
淮海屯貔虎戈矛雜珮環馳心萬里外回首五雲間  
颯踏方多故飄零且未還桃源期可問鉄鏢帳難攀  
霜重丹楓落江清錦石斑夢餘驚蟻蛭爭極嘆蝸蠻  
且隱重九深藏若、綸江籬紛掩苒湘竹暈斑斕  
水國龜鼉橫琳宮日月閑親朋未相棄莫使雁書艱

次韻翁士特試谷廉泉見懷之作

桑苧嘗來第二泉翠松偃蓋色相鮮谷廉竇乳爭多  
少西子南威各自好

片雲搖曳不勝閑行盡江南處、山豈解為霖澤枯  
槁只思歸隱碧巖間

戊申冬至日有懷諸季赴澧陽

緹室初回律管陽貂裘還是旅殊鄉可憐身向三湘  
遠更覺愁隨一線長棣萼相思勞夢寐 種成禮想  
旂裳羈臣與國同休戚老眼猶期見治康

張氏一甥寄詩可喜賦此篇以贈之

每見吾甥學不休信知積善有源流駢駟汗血為駒  
日松柏凌霜出地林努力他年成宅相著艱高躍被



烟樓涓陽正續離騷賦頻寄詩來慰客愁

得梁溪家書報黃氏女生外孫

怪底朝來鵲噪門家書遠報女生孫須知鍾慶由先  
德故便遺芳行後昆肌骨遙憐凝玉雪風光自與茁  
蘭孫何時歸去親懷抱華髮衰衣更覺尊

梁溪先生文集卷之第二十二終

梁谿先生文集卷之第二十三

詩十九 赴禮陽二十三首赴南陽道中及已酉歲作計五十七首

自蒲圻臨湘赴岳陽道中有感作十首

再次韻許崧老見和之作 許崧老詩階錄

岳陽樓三首 次韻唐李華序雲母泉

鼠鬚筆二首 至禮陽寓天寧僧舍二首

渡江 章華臺二首

深省軒 謫居南海五首

別峽山能老 藥山三詠三首



梁山觀音寺

自武陵舟行至德山

益陽白鹿寺

清修寺二絕句

自湘鄉趨邵陽以避謗不敢取道衡嶽有感五首

邵陽道中雲巖寺

清湘西山寺無量壽塔

桂林道中二首

山月駟聞子規有感次韻

獻花鋪次壁間韻

道陽朔山水尤奇絕有作

象州道中二首

飯脩仁茶

次貴州

伏讀三月六日內禪詔

自去冬天旱不雨至今道傍井泉皆竭有作

暮春雨中有感

含笑花五首

荔枝五首

茉莉花二首

得梁溪書寄諸弟 卽事三首

移居南山寺、有巖洞甚幽并葛稚川丹竈

自蒲圻臨湘趨岳陽道中七律十首

鄂渚何嘗一日安澧陽猶喜遠江于帝妃降矣空遺

珮公子思兮欲採蘭水帶瀟湘宜有鴈地連嶺蜀苦

無寒迂疎自笑謀身拙却荷朝廷德意寬

屈伸任道復何求去國翻成汗漫遊處世久師齊物

卷之二十一

卷之二十一



論攄懷聊賦畔牢愁霜清日薄寒光急雲慘天高陰  
氣浮嫋々西風洞庭濶可堪更上岳陽樓  
歲寒又復事南征桂楫蘭舟過洞庭水入重湖千里  
白山連平楚數峰青雲鴻香々飛何遠汀芷微々氣  
自馨千古靈均英爽在固應笑我學餘醒

三年奔走未容歸做盡東周季子衣斷壠連岡平野  
濶扁舟短櫂寸心違凌晨白露沾裳濕薄暮彤雲夾  
日飛回首梁溪香何處翠煙空鏢釣魚磯

還驅征騎向三湘行盡騷人放逐鄉綠葉素榮歌橘

頌來衣姣服浴蘭湯雲中帝子旂降物外桃源自  
日月長便欲儵然與高蹈故應脫屣謝軒裳

不解揚波與舖醜又還來放楚江湄椒蘭氣味何其  
烈蘅葑芬芳空爾為寧赴湘流非我事託懷鵬鳥乃  
吾師醉醒清濁何難共漁父從來自不知

遠謫三湘欲卜居試從詹尹拂占書昂々願作雲間  
鶴泛々寧為波底魚呶嗻突梯真得計潔廉止直却  
成疎益堅節操行吾志龜策從來自不知

更欲投書弔汨羅西風嫋々水增波江分夢澤於菟



遠地近芳洲杜若多野鳥終年從翠止木奴千英廟

正婆娑卜居便作終焉計華髮蕭々柰老何

俎豆其如軍旅何誰令瀚海起干戈休將直道論三

黜且把微辭續九歌山鬼含顰乘赤豹湘靈解佩鼓

雲和璧邦雖陋吾何恨厭見旌旄相盪摩

龍駕翩々帝子遊我曰謫官亦淹留瀟湘且傍鼃鼃

窟葭芟空懷鸚鵡洲專氣願師周柱史著書更笑陸

忠州變心從俗吾何敢千古詩人共此愁

翰奉和大觀文相公見寄古風

儵然多難偶存身又到蒼茫楚澤濱鼓舞魚龍張樂  
地佩紉蘭茝獨醒人涉江哀郢空回首極目傷心欲

向春鼓枻寅緣傍枯葦故應漁父尚垂綸

常誦飛龍遭洞庭登樓况復把騷經琉璃萬頃天同

碧翠黛一螺山更青白鳥風高方振翮蒼鷹冬暖正

舒翎客愁欲作長鯨吸却笑三間只獨醒

鼠鬚筆

鼠能為虎亦何功用舍之間繫所逢誰謂有皮為有  
禮剪鬚猶得管城封



中山毛穎久中書鼠筆何為亦可俱寢廟穴居真得  
計畏人端恐懼其鬚

渡江

桂柰蘭旌楚澤東碧空如水一如空江湖落日浮秋  
橘島嶼殘霞拂斷虹世事茫然烟靄裏客愁都在櫓  
聲中沙頭鳧鴈桐儔侶笑我年一逐轉蓬

章華臺

今華容縣城西三里

斷隴連岡雲夢西楚王宮殿尚遺基桂花半落垂黃  
稿想見章華九月時

章華夜飲曉從麋翠被天寒雨雪霏馬足車塵竟何  
往空令千華誦招祈

華容西二十許里有墨山即離騷所謂

祀聖祖名石也

山有大雲寺有雲母泉甘芳潔清大旱不  
竭唐李華曾有詩序之甚詳其末云華貶杭  
州司功恩復左補闕次于岳陽江山延望思  
與高賢共飲雲母之泉躬耕墨山之下敢違  
朝命以徇私欲秋露寒洞庭微波一聞猿聲  
不覺愴然波下况交離多病年甫始衰願餌



藥扶壽以究無生之學事垂志負火熱余心  
三復其言而竊有以悲之因次其韻

霜風振枯林肅肅有異聲我登犯聖石山適此氛祲清  
散策步山巔僧廬窈而精石磴盡雲母晶熒璨瑤英  
涓涓幽谷泉玉色淒芳馨飲者得難老沉疴體昏平  
乃知泉源美本自山川靈沉吟遐叔詩此豈浪得名  
肺腑久塵埃于焉吸清冷玉池艷生肥漱濯歸黃庭  
却思陸子泉厥味可弟兄白首困飄泊丹心竟何成  
鼓枻渡瀟湘曳裾拂荆衝回頭故山遠愴恍若為情

區：金石堅正賴日月明卷舒隨用舍未覺殊虧盈  
風高洞庭波雲暝蘭芷城餌藥扶始衰究心學無生  
庶几甫知命寸田不廢耕

至澧陽寓天寧僧舍有感全良大恩不勝感荷  
常誦離騷澧有蘭那知謫官憇其間片雲隻鶴風方  
急只恐飄零過別山言以與弟用韻或在中東野之  
此身又復寓精廬丈室蕭然一物無每見招提心即  
喜前生真是老浮屠

深省軒在丈室之西余為名之



軒檻虛明文室西叢筠佳本翠陰垂遊觀物、皆深  
省豈在聞鐘欲覺時

見報以言者論六事其五皆靖康往故其一謂  
資囊士人上書以冀復用謫居海南震懼之

力小安能勝萬鈞退藏深渺欲全身大恩不報有餘

貴何必煩言浪指陳

非才自丐罷鈞衡百念灰寒豈復萌剛道資囊上書  
者不知誰繼穎川生

尼父乘桴居九夷管寧浮海亦多時古來賢聖猶如  
此我泛鯨波豈足悲

功以贊皇猶遠涉智如鶴相亦來遊世間萬事非人  
力只有安心百不憂

蘇子曾為海上仙羣龍三復絕韋編我今日對義文  
語却恨公言取次傳

別夾山能老

相逢千偈口瀾翻已是親曾到夾山猿鳥可能知祖  
意飛騰奇嶂碧巖間



藥山三咏絕句

骨相嶄巖心已安松林設道不勝寒習之不會高人  
意使作天雲餅水看 右詠問道室

侍者何須召二空一元調伏自知風軒然棟宇葦飛

處何似當年茅竹中 右咏伏牛廢 右咏藥山

英雄割據老漁師習氣難忘鑿此池尚想興酣高會

處投身下取酒杯時

梁山觀音寺

東漢梁松駐軍之地舊有廟

大士當年白鹿馴寶坊千古閱松筠風流帝塔膏梁

客也解來為護法神

自武陵舟行至德山

捨車泛蘭舟搖蕩武陵水憇裝古叢林幽勝冠南紀  
當時霹靂乎掣電機在捶鈴鏡今得人宗旨振顏委  
何須大雄殿突兀踞魏址龍蛇相混雜衲子聚千指  
齊竿一一吹真履見鑪錘青蔥松竹陰積翠紛可喜  
春風一動搖蕭瑟鳴不已却遊德峴亭在渚抱中沚  
襄陽今何如風物略如此空懷墮淚碑愧嘆羊叔子  
坐令鄒湛輩名字隨驥尾胡雛窺漢疆戰哭多新鬼



卷之二十三  
八  
王室如綬旒寇盜結蜂蟻而我荷寬恩抱譽適萬里  
回頭望中原洒涕濕巾几海山渺安在頃洞鯨波裏  
飛仙將往來當學長不死  
益陽白鹿寺  
寺枕清江蔭碧梧蕭然景物類東吳登臨忽動思歸  
興不待秋風可鱸鱸

清修寺在益陽縣數十里間惠遠之弟居之世

謂之小廬山絕句二首

盤紆石磴白雲間風落巖花滿路斑  
峯嶺橫斜自重

掩箇中真是小廬山

傍山脩竹翠檀藥竦節疎枝碧玉寒  
安得誅茅此君

側世間渾作夢中看

自湘鄉起行趨邵陽以避謗不敢取道衡嶽有  
感五首

平生性僻愛溪山偶得經行祇為閑  
嘆息迂程避煩  
嘖坐令南嶽阻躋攀  
石廩巉天堆祝融遙看山色有無中  
寬恩異日容歸  
老先到衡陽回鴈峰



恭聞南嶽魏大人絳節霓旌擁玉輪我欲他年受真  
訣先從碧海浴埃塵  
鄴侯奇譎世難知放浪衡湘亦避時懶瓚不知今在  
否無心更與覓蹲鴟  
退之昔謫惡溪濱精義能開衡嶽雲我匪天窮坐人  
阮試從山外望氛氳

邵陽道中雲巖寺

山寺空小寺依嵌竇日煖幽禽嘯好聲萬箇琅玕一  
茅屋何當此處寄浮生

清湘西山寺無量壽塔

黃花翠竹真如性大地山河清淨身欲識今時無量  
壽不知瞻禮是何人

桂林道中二首

桂林山水久聞風身世茫然墮此中日暮碧雲濃作  
朶春深稚筍翠成叢仙家多住朱明洞客夢來遊羣  
玉峰蕩武夷何足道千巖元是小玲瓏 鴈  
時危遠謫墮南蠻猶在乾坤覆載間瘴雨嵐烟殊氣  
候玉簪羅帶玉溪山桃柳葉暗傷心碧躑躅花開滿



日斑惟有月華依舊好清輝應與照雲鬟

山月驛聞子規次韻

春枕夢回孤館悄世故縈心愁不了山深夜聞子規  
啼殘月滿窓天未曉

道陽朔山水尤奇絕舊傳為天下第一勝景洵

非虛語也為賦絕句二首

深山此地藹佳名雨洗烟嵐分外青却恨征鞍太匆

遽無因一上萬雲亭

賦詩曾送謫仙人垂老翻遊到海濱夢幻去來何日

了且將病眼看嶙峋

李泰發謫陽朔令予嘗以詩送其行

獻花鋪唐相李德裕謫海南道此有山女獻花

因以名之次壁間韻

我亦來桴向海涯無人復獻雨中花却愁春夢歸吳  
越茗飲濃斟薄荷芽

象州道中二首

路入春山春日長穿林渡水意徜徉溪環石筍橫舟  
小風落林花撲馬香山鳥不知興廢恨嶺雲自覺去  
來忙炎荒景物隨時好何必深悲瘴癘鄉



竹屋茅簷三四家土風漸覺異中華碧榕枝弱還生  
柱紅荔春紅已著花社燕不巢南候別塞鴻無信比  
音賒海山此去猶千里會見安期棗似瓜

飲修仁茶

北苑龍團久不嘗修仁茗飲亦甘芳誇妍鬪白工夫  
拙群辟瘴消煩氣味長江表露芽空絕品蜀中仙可  
掌同行從容飯罷何為者一碗還兼一柱香

自去冬不雨至今道傍井竭田多不耕有感  
匣地風雷空振蕩終霄雲雨竟虛無嫺閑農具田皆

廢渴死行人井半枯來海愆陽緣孝婦桑林精禱本  
讒夫忠魂昭雪姦邪逐坐見為霖萬物蘓

次貴州二首

青楓夾道鷓鴣啼古郡荒涼接島夷陸續故城依石  
嶽葛洪遺竈俯江湄光風苒苒吹香草煙雨濛濛濕  
荔枝欲作終焉卜居計自應句樓不吾欺  
懷澤為邦古鬱林江遺邑屋自森々山連八桂峰巒  
秀地近重渙霧雨淫歲久承平消瘴癘時危爭戰覺  
幽深試謀十畝膏腴地丹荔青蕉獲我心



伏讀三月六日內禪詔及傳將士膀檄慨王室  
之艱危憫生靈之徒塗炭悼前策之不從恨

姦回之誤國感情有作聊以述懷七律四首

懷昔廷爭駐驛時孤苦欲挽六龍飛萊公漫有親征

策亞父空求骸骨歸靈武中興形勢使江都巡幸士

心違累臣獨荷三朝眷瘴海徒將血涕揮

胡騎長驅擾漠疆廟堂高枕失隄防閑河自昔稱天

府淮海于今作戰場退避固知非得計威靈何以鎮

殊方中原夷狄相哀感聖哲從來只自強

嘆息姦臣術已疎謀身誤國竟何如馬嵬不進楊釗

死開陝初臨元振除威靈王家嗟寂寞蒼生環堵未

安居荒陬不見中原事望斷東吳一紙書

建爰虛席待經綸恩賜宸章寶墨新學際天人何敢

爾忠開金石庶當仁孔明得主規模壯陸贄離朝謗

讒頻今日追思慙至意御書重執淚盈中

學窮夫人志貫金石

所書御書中語

暮春雨中有感二首

細雨黃梅荔子丹疎方風物遠江山客愁望極傷心



處更聽鈞鞞雲木間  
萬物焦枯誰作霖片雲成雨慰民心  
姦邪逐去精忠  
雪天意方知感格深

會笑花五首

一去閩山遠玉顏故人相遇有餘歡  
臨風莞爾緣何  
事應笑先生又失官

玉質猶被翡翠裳溫泉洛罷藹天香  
回瞬百媚嫣然

處羞死三千紅粉粧

竄逐流離老病身天涯相見意相親  
粲然不用千金

買應記當年作賦人

子在沙陽曾作會笑花賦故云

素淡丰容不自持養成妙質亦多時  
不知巧倩東風

裏含蓄清香欲待誰

謂之曾詰笑何因只笑明時竄海濱  
晉以智窮菜以

直定無我拙作三人

荔枝五首

海山仙子絳羅襦霧縠中  
單白玉虜知我遠來相勞  
苦故避光使迓中途  
絳紗囊裏水晶丸  
偏得楊妃帶笑着  
休道馬嵬當日



事只今何處是長安  
 王人織指臂輕紅猶憶  
 恩頌自漢宮翠籠藤盤  
 異當日蠻煙瘴雨正濛  
 荔子蠻方也自丹不知  
 閩嶺為微酸玉盤磊砢  
 三千顆猶憶甘芳繞齒  
 寒百馬騰崩者舊悲只  
 今戈戟暗江湄自知疎  
 拙蒙恩重猶得南來食  
 荔枝

茉莉花二首

冷艷幽芳雪不知  
 佳名初見月多書  
 南人渾作尋常

看曾待君王白玉除

風露扶疎蔓翠藤  
 玉花剪刻見層層  
 清香夜久偏聞處  
 寂寞書生對一燈

得梁溪書寄諸弟二首

一紙書來抵萬金  
 天涯慰我念家心  
 只今王室猶如此  
 回首東吳涕作霖

荔子初丹色半青  
 玉膚未滿已芳馨  
 欲題書後三千顆  
 須待煙林燦若星

即事三首



賓江兩岼木棉飛負郭家、熟荔枝瘴雨蠻煙已蕭  
瑟可堪梅子欲黃時

荔子紅紫已交加龍眼新來又著花便欲謀居不須  
去咀冰嚼雪過年華

森々榕木碧參天夏日初聞第一蟬羨蔭羨君誠得  
計何須悽怨嘒風前

移居南山寺、中有巖洞甚幽并葛稚川丹竈  
倚山高閣仰觚稜洞穴嵌空屐可登丹竈舊傳留秘  
藥仙巖今已屬間僧數峯削玉青如青如髻羣木參


天翠作層小駐未妨幽興發野禽嘲弄曹驕騰



天家新訂... 卷之二十三

卷之二十三

天家新訂... 卷之二十三





程